

**2020-mi akileraarutitigut ilanngaatisat il.il. imatut angissusilerneqarnissaannik Inatsisartut aalajangiiffigisassaattut siunnersuut:**

- 1. Inummut ilanngaat.....kr. 48.000 (ukiumut)**
- 2. Ilangaat aalajangersimasoq.....kr. 10.000 (ukiumut)**
- 3. Aningaasarsiat B-t akileraaruteqaataasussaannngitsut.....kr. 5.000 (ukiumut)**
- 4. Killilimmik akileraartussaataasunut ilanngaat.....kr. 1.000 (ukiumut)**
- 5. Kommunitut ataatsimut akileraarut.....6%**

**Akissuteqaat**

(Aningaasaqarnermut Nunanilu Avannarlerni suleqatigiinnermut Naalakkersuisoq)

**Aappassaaneerinnineq**

2020-mi akileraarutitigut ilanngaatisat il.il. angissusilerneqarnissaannik Inatsisartut aalajangiiffigisassaattut siunnersuutip aappassaaneerneqarnissaanut Aningaasaqarnermut Akileraartarnermullu Ataatsimiititaliap isumaliutissiissuteqarneranut Naalakkersuisut qujapput. Siunnersuut akuerineqassasoq ataatsimiititaliamit isumaqatigiittumit inassutigineqarmat Naalakkersuisunit iluarisimaarneqarpoq.

Isumaliutissiissusiortoqannginnerani ataatsimiititaliaq Naalakkersuisunit akineqartussanik apeqqutinik arlalinnik nassiussaqqarpoq. Ataatsimiititaliap isumaliutissiissusiunnginnermini paasissutissat itisilerneqarnissaat siunertaralugu Naalakkersuisunut saaffiginnittarmat Naalakkersuisut qujassutigaat. Tamanna oqallinnermut aammalu Inatsisartut aalajangiinissamat tunngavissaasa pitsanngorsaqinnissaannut periarfissiimmat Naalakkersuisunit iluarisimaarneqarpoq.

Taama oqaaseqarlunga aalajangiiffigisassatut siunnersuut akuerineqassasoq Naalakkersuisunit inassutigineqarpoq.